

**Broj: 08-14/33-151-13/15**  
**Sarajevo, 22.06.2015. godine**

Na osnovu člana 70. stav (1) Zakona o javnim nabavkama Bosne i Hercegovine („Službeni glasnik BiH“, broj 39/14), na preporuku Komisije za javnu nabavku usluga - osiguranje od autoodgovornosti uključujući osiguranje putnika i osiguranje od loma stakla uz pružanje usluga tehničkog pregleda i registracije vozila Federalne uprave civilne zaštite i vozila Federalnog štaba civilne zaštite, ful kasko osiguranje za 8 vozila, osiguranje lica (svi zaposleni u Federalnoj upravi civilne zaštite uključujući deminare i treća lica), osiguranje mašina, pasa, objekata i opreme Federalne uprave civilne zaštite i osiguranje od opće odgovornosti iz djelatnosti za štete pričinjene prema trećim licima, imenovana rješenjem direktora Federalne uprave civilne zaštite broj: 08-14/33-151-1/15 od 30.03.2015.godine, direktor Federalne uprave civilne zaštite donosi:

### **O D L U K A**

#### **o izboru najpovoljnijeg ponuđača za nabavku usluga za LOT 2 ponuđaču: SARAJEVO OSIGURANJE d.d. Sarajevo**

#### **I**

SARAJEVO OSIGURANJE d.d. Sarajevo, Čobanija 14, Sarajevo, u potpunosti zadovoljava zahtjeve tenderske dokumentacije u postupku javne nabavke usluga - osiguranje lica (svi zaposleni u Federalnoj upravi civilne zaštite uključujući deminare i treća lica), osiguranje mašina, pasa, objekata i opreme Federalne uprave civilne zaštite i osiguranje od opće odgovornosti iz djelatnosti za štete pričinjene prema trećim licima LOT 2, koji je objavljen obavještenjem o nabavci putem otvorenog postupka broj 1095-1-2-57-3-6/15 na portalu javnih nabavki BiH kao i u „Službenom glasniku BiH“, broj 34/15, izmjenama tenderske dokumentacije broj: 08-14/33-151-5/15 i dopunama tenderske dokumentacije broj: 08-14/33-151-7/15, te se navedenom ponuđaču dodjeljuje Okvirni sporazum / Ugovor.

#### **II**

Ponuda ponuđača iz tačke I ove odluke iznosi 418.826,04 KM za 36 mjeseci odnosno 3 (tri) godine.

#### **III**

Na obavještenje iz tačke I ove odluke, ukupno su pristigle 3 (tri) ponude za LOT 2. Nakon otvaranja ponuda dana 08.06.2015.godine, Komisija je konstatovala da jedna ponuda ponuđača SARAJEVO OSIGURANJE d.d. Sarajevo, zadovoljava uslove tražene tenderskom dokumentacijom. Ponuda ponuđača Triglav Osiguranje d.d. Sarajevo (Konzorcij Triglav Osiguranje d.d. i Bosna-Sunce Osiguranje d.d.) odbacuje se kao nepotpuna (u skladu sa članom 68. stav (4) tačka i) ZJN BiH), pošto u istoj član grupe ponuđača Bosna-Sunce Osiguranje d.d. Sarajevo, nije dostavio potvrdu nadležne agencije o rješavanju i isplati odštetnih zahtjeva iz predmetnog osiguranja za posljednje dvije godine, a koja se tražila u svrhu dokazivanja ekonomske i finansijske sposobnosti ponuđača.

Isto tako, ponuda ponuđača DD za osiguranje "VGT" Visoko, odbacuje se kao nepotpuna (u skladu sa članom 68. stav (4) tačka i) ZJN BiH), pošto u istoj nije dostavio potvrdu nadležne agencije o rješavanju i isplati odštetnih zahtjeva iz predmetnog osiguranja za posljednje dvije godine, a koja se tražila u svrhu dokazivanja ekonomske i finansijske sposobnosti ponuđača. Traženi dokument trebalo je dostaviti kao neovjerenu kopiju koja nije mogla biti starija od tri mjeseca, zajedno sa izjavom o ispunjenosti uslova iz člana 47. ZJN BiH.

#### IV

Istekom roka za žalbe, Komisija za javnu nabavku iz tačke I ove odluke će sačiniti prijedlog Okvirnog sporazuma na 36 mjeseci (3 godine) kao i prijedlog Ugovora na 12 mjeseci (1 godina) o nabavci usluga - osiguranje lica (svi zaposleni u Federalnoj upravi civilne zaštite uključujući deminare i treća lica), osiguranje mašina, pasa, objekata i opreme Federalne uprave civilne zaštite i osiguranje od opće odgovornosti iz djelatnosti za štete pričinjene prema trećim licima LOT 2, te Okvirni sporazum / Ugovor dostaviti Federalnom pravobranilaštvu na mišljenje.

Nakon što Federalno pravobranilaštvo dostavi pozitivno mišljenje na Okvirni sporazum / Ugovor iz stava 1. ove tačke, Komisija će pozvati izabranog ponuđača radi zaključenja Okvirnog sporazuma / Ugovora, kojim će se regulisati međusobna prava i obaveze vezane za konkretnu nabavku.

#### V

Protiv ove odluke može se izjaviti žalba ugovornom organu najkasnije u roku od 10 dana od dana prijema ove odluke.

#### VI

Ova odluka stupa na snagu kada se okončaju žalbeni postupci iz tačke IV ove odluke.

#### DOSTAVLJENO:

1. Ponuđačima,
2. Tenderski dosije,
3. a/a.

